

96



187

琴堂臆語
詞齋卷

光緒丁亥仲冬 黃紹箕署檢



琴堂臆語
詞齋卷

栞臺夢語詞自敘

楊子雲曰雕蟲篆刻壯夫不爲人生三十曰壯正余今日之謂矣子雲所稱雕蟲篆刻者指賦而言也況於詞又下賦一等者乎雖然余鄙人也少充國寶長未嘗有當世之務其所與遊處又皆江湖山澤窮愁枯槁之民語曰緝諷所生必於斥苦此非空言也夫以窮愁枯槁之民而欲其爲鏗訇炳麗發皇之辭以驚世而震俗固已難矣太史公曰詩三百篇大抵皆賢聖發憤之所爲作也此人皆意有所鬱結不得通

栞臺夢語詞自敘

一

其道也太史公可謂知言矣夫人孰能無情情孰能無所寄寄之於今則實事生焉寄之於古則空言出焉寄之於實事則功名富貴生焉寄之於空言則憂患貧賤出焉雖所寄不同而其不能無所寄一也使余與諸子或膺尺一之組勞形於簿書或持丈二之笏效命於沙漠此雖欲強以雕蟲之事而有所不能矣豈非天哉光緒丁亥余三十之年也是在姑蘇嘗與數友登靈巖琴臺悲歌弔古意氣甚壯九月之望驅駒入燕曾幾何時而舊遊已如夢幻僅存此數

十篇之詞亦如夢中語耳余又何能無槩耶且余固嘗悔詞悔之而不廢者何也哀樂難忘而聚散可感也不知我者以爲雕蟲篆刻之事而知我者必以爲窮愁枯槁所爲也雖然屈靈均有言曰老冉冉其將至懼修名之不立行年三十而猶不免爲子雲所笑亦余之過也夫亦余之過也夫十一月庚申易順鼎自敘

栞臺夢語詞序

栞臺夢語詞二卷吾友易子中實游藝江南之所作也中實淵聞贍學年少多通以詩人緒餘樂府新律纂繡騷雅雕鏤情文倚聲而飲引節彌韻華縟豐豔自其天才而跌宕風塵驅染煙墨江山之勝抑有助焉當夫子美去蜀季野入吳張翰相知伯喈流寓歡締吟社豪張酒軍會蘇家之舊亭訪錢氏之故館金閨曉而春麗錦涇暮以秋淒此一境也古夢無痕游悰式寫廢苑獨往靈巖遂攀鞭影辟疆之圓劔氣要離之墓廊沈屨響寺閣鐘聲駐舄鱸鄉題襟虎阜鄧尉之梅花似雪蘇臺之楊柳如烟此又一境也登山曰歸臨流斯暢虹橋小泛鶴澗幽探打槩蓮涇之瀟欹篷荷蕩之曲橫塘渺渺香水盈盈此又一境也爾乃峭帆半偃側帽孤征睇虞仲之巖棲跡焦先之谷隱攬飛樓於北固問故土於南朝建業之鎮荒涼秦淮之流嗚咽卽遺宅而謝安不作覓新亭而王導無人銷沈鍾阜之靈悽愴臺城之亂俯仰百代低徊萬端此又一境也若夫閒懷宛宛影事依依眷同心之

舊盟訂促膝之新侶玉簫倚袖金箏侑觴白門暄而
霧晴青涇漲而波澗纜莫愁之芳樹宋元武之瘦菱
寫照荷華銷魂桃葉夜夜奈何之月朝朝恁處之雲
竹寫絲陶金悽粉怨此又一境也其或獨寐無那端
居不憖花菲菲而勒寒雨蕭蕭而作暝鶯朝倦賞雁
晚枯吟蝶衣午慵螢笛宵冷數抵金之漏刻耽輓玉
之華年含醒未醒撫景誰語此又一境也中實於此
縱橫兩戒規模萬族飛行南斗之表抗聲北宋而遷
江管牙雕瀉戩手擘敲唾壺而欲碎灑墨花其若飛

葉臺夢語詞序

二

至於讀書分題裁筒答和愁儂歡墜感物情來王寬
寄婦之篇鮑昭與妹之作莫不翹思綺爛觸緒絲縈
作之者按譜傳歌讀之者迴腸蕩氣可謂深美閎約
惻隱盱愉采不浮縟神不虛豔者矣若乃尙論昔賢
竊比高唱則流水孤村之蕭遠曉風殘月之淒清金
戈鐵馬之雄深寶函鈿雀之瓌麗靜窈若暗香疏影
纏緜若淺醉閒眠溫柔若香冷貌金幽秀若夢回雞
塞夫固奄有众妙不名一家諒哉賞音弗予河漢歲
在丁亥仲冬朔日長沙張百熙拜序於京師宣武坊

南之寓齋

芙蓉夢語詞序

三

梨臺夢語

諡簫樓詞第十

易順鼎中

實

香齋詞話

掃花遊

吳門早春和文十叔問韻

聽風聽雨向江上吳宮又還聽雪早梅未折怕因循
過了試燈時節輒玉年華似被昆刀暗切澹黃月喚
花外笛聲吹起三疊人遠芳訊絕憶載酒橫塘那
回鴛鴦畫篷一葉悵秋娘渡口水寒箏咽應被春喚
舊日心情頓別豔悰歇對天涯夢雲休說

梨臺夢語

一

原作

文

焯

叔問

年涯草草又江國梅花暗吹殘雪玉人休折怕春
風瘦到斷腸時節鐵笛誰家苦調思歸偏切江上
月喚一夜怨魂繞花千疊芳侶今杳絕記湖舫
攜歌翦波雙楫當年桃葉歎賦情人去翠鳴紅咽
詩鬢星星那慣傷春惜別繁絃歇倘鐙前夢來重

說

前調

初春江上載酒有懷

斷雲做暝正水驛無花畫船來悄雪殘未掃看閨門
半掩那知春到久欠西施莫共吳王鬥草繫孤權歎
人遠五湖歸雁都杳心事空縹緲對殘霸宮城舊
家池沼追遊趁早畫十年影事東風吹帽江上初梅
笑我垂垂欲老暮寒峭問青篷載愁多少

徵招

春感和叔問韻

冷吟照影江南水十年爲春先瘦宋寬負鶯花歎生
涯依舊姑蘇人去久空悵望行雲歸後草色拖裙梅
痕墮粉斷魂時候驕馬洛陽街歌樓熱曾攜玉簫
隨袖吹盡少年心怪東風偏驟綠箴衝雪又何處是
五湖三畝看愁與新柳爭春染嫩黃如酒

原作

文焯

古簾暗雨江南綠吹來夢痕都瘦舊物總翻新只
新愁如舊杜郎爲客久漫吟老鶯前花後宋寬今
朝堆盤生菜咬春時候蕭颯五湖心爭禁得春
愁暗疎歌袖短夢度殘簫怪風馳雨驟一年芳事
又怕零亂梅花十畝正窺戶山髻招人趁雪篷呼

酒

齊天樂

倉叔問和原韻

江山總是傷心地春來怕騎驕馬少日情裏久如死
月才向天邊生霸華年可借拚流落東吳妓闌僧社
頻感詞仙飄零淚墨酒痕寫蘇臺柳酣花冶便紅
襟白項烏燕都雅病榻光陰歡場影事賺得香桃一
把客何爲者聽恩怨吹多玉簫聲啞水閣挑燈待君
同夜語

棗臺夢語

三

原作

文焯

故人舊是青城客才如不羈之馬老蠹堆中收回
名券賺得詞壇殘霸一閒天借著塵海荒波兩三
鷗社零落詩痕十年爪雪亂愁寫江山如許驕
冶稱摩圍仙筆奴命騷雅花語裁紅酒鱗泛綠染
作愁絲一把我原狂者笑三百吳賤吟成蕭啞夢
雨依稀夜窗歸雁話

前調

疊韻

五陵結客而今倦飄零少年裘馬曲唱黃驄尊傾綠
蠟曾醉漢家豐霸頭顱可借感前輩荆高與人宗社
流落江南酒徒肝膽向誰寫 鱗離俠同疆治怪姑
蘇兒女空剩柔雅淚灑春紅真孃墓上蝶粉斜陽一
把君原健者怎燕筑吳簫兩般都啞莫把雄心對他
鶯燕語

原作

文焯

舊時鷓鴣國傷春橐飄零過江兵馬殘客登臨酒邊
墨淚染出風流雄霸荒園棲借賴狂醉枯吟宗陶

葉臺夢語

四

同社斷夢芳塵付誰倦笛晚風寫 休憐沈郎文
怡問江山清綺誰繼羣雅吟袖工愁歌尊易泣夢
裏瑤枝空把渺予倡者儘吹老情絲東風都啞吳
雪初銷爪痕添舊話

前調

再疊韻

廢池喬木言兵倦窺江久無胡馬故苑鶯啼荒邱虎
踞憑弔當年殘霸東風似借歎燕子光陰又催春社
萬感如雲詩痕夢影水邊寫 煙光遠欺梅冶有舊

家亭館裊展妍雅紫曲迷香青帘買醉趁取金尊共
把歌翻白者怕柔艣無聲山塘都啞六柱吳船聽他
漁女語

原作

文焯

少年奇氣拏雲上翩翩五陵裘馬兒女英雄丹青
費盡閒了江湖曹霸一枝聊借笑倦燕巢痕未辭
殘社宋厯狂愁壁燈夜夜斷魂寫春光暗驚駭
冶倩呼鷗載酒同醉三雅淺碧湖山冷紅亭閣詩
袂仙仙堪把感音誰者便題滿霞衷情天還啞剩

樊臺夢語

一五

取孤琴月明殘夢話

前調

三疊韻

乞充水手天應諾平生使船如馬椎髻蓬頭他年汎
宅共載高人鴻霸僧樓許借約淨侶談禪更開蓮社
艣唱鐘聲勝於絲竹與陶寫干將莫邪歐冶早銷
他劍氣鑄作三雅喚起從前英雄兒女瘦骨都無一
把與君聽者怕啼盡東風杜鵑聲啞有約壺天買春
茅屋語

原作

文焯

五湖夢熟尋詩路東風片帆如馬華海盟鷗琴山
調鶴算得遨頭小霸酒錢堪借漫耽閣梅妻一春
閒社促促芳程斗窗橫幅暗香寫江皋經歲游
冶有紫霞同調提倡風雅惜別歌塵傷春詩病怎
便芳尊慵把我思粲者怕燕約鶯期替人吟啞
聽蹙然倚闌花外話

前調

夢雨初醒討春尙慵叔問詞來依韻繼作

棗臺夢語

六

探春人去知多少青篷虎山橋下聞道西崦花天雪
海萬一玉梅都嫁堆盤菜把約挑薺磨陰嫩寒休怕
病榻枯吟茶煙如水夢回乍吳宮久無片瓦縱西
施網得誰與論價一角蘇臺垂楊影裏可有闌干紅
亞東風尙大莫吹起春愁流鶯低罵魂斷江南小樓
聽雨夜

原作

文焯

梅風一信芳塵遞相期醉君花下見說而今避花
推酒偏似閉帷新嫁茶團藥把料詩病年年爲春

傷怕簾閣蕭疏瘦人天氣側寒乍 澆愁倩呼老
瓦記西崦嫩約香雪無價醉玉心情吹瓊伴侶一
夢扶頭花亞江城斗大怪閣住芳陰東風堪罵碧
盡吳雲倦吟仍獨夜

鳳皇臺上憶吹簫

初夏感懷和函樓韻

燕燕鶯鶯風風雨雨江南自古愁深看館娃林苑吹
盡紅英錦瑟華年虛度腸斷處賀鑄孤吟橫塘路碧
天如夢總是春陰 輕輕把春送了千萬縷垂楊難

吳臺夢語

七

繫離情指一天飛絮我我卿卿畫舫遊人似織誰知
道有客傷心傷心淚和他暮潮暗打空城

前調

遊顧氏園卽事用前韻

飛絮斜陽落花微雨舊家門巷紅深謝畫簷蛛網多
冒殘英十載歡場恩怨都分付淺醉閒吟春如夢夢
還如水送了光陰 煙輕霧微似帳坐鸚鵡簾櫳一
碧無情向綠波低照憐我憐卿語到五湖雙槳把鷗
心又換鷗心歸來也吳天暈黃眉月窺城

一翦梅

濱川舟中聽雨

畫舫煙波聽雨幽，鷓鴣夢紅收。鷓鴣夢青浮，江湖白了酒人頭。昨夜高樓今夜扁舟，淚灑梅天不自由。歡也如愁，春也如秋。尊前棖觸少年遊，二十揚州三十蘇州。

賣花聲

元墓晚歸月黃風黑紀之以詞

風力欲生稜，衫化春冰。寺前蛙語沸湖塍，除却秋墳

采臺夢語

八

山鬼外一箇枯僧，老樹絡幽藤。萬綠鬚鬢涼螢已坐豆花棚。畫出吳天愁影子，黃月如燈。

八聲甘州

登靈巖和吳夢牕韻

倒闌干入海，古臺邊珠簾夜飄。星葬紅樓，金屋春空笑語花影如城。屢廊無人照水，浪捲太湖腥。一陣東風過，都是秋聲。蠡網千絲可借，待招來豔魄，相惜惺惺。看鏡中天地，吳越一家青。浸殘霞，燕窗鷺，戶問何年。捨作白鷗汀，斜陽裏獨尋僧。去輦路苔平。

掃花遊

遊怡園用張玉田韻

檀欒婀娜蘸金碧樓臺片雲初曉簾櫳窈窕有千鶯
萬蝶舊家亭沼鏡裏落花閒看鸞翎自掃復長嘯坐
竹館彈琴黃月來照絳都春浩渺稱象管蠻牋題
句逋峭詞仙縱老倚蓬山不許人閒秋到玉塵談玄
客比晉時更好綠煙悄問瑤愁洗空多少

浪淘沙

自閩門放舟虞山

棊臺夢語

九

波軟畫橋明客思鷗輕官河柳外放船行一樹斜陽
紅欲濕水樣蟬聲畫裏好江城遠岫青橫想伊眉
眼更盈盈山色多情如舊識翠撲簾旌

洞仙歌

丹陽道中寄內用東坡改蜀主詞韻

龍鬚八尺有卿卿香汗豈料而今淚痕滿鎮孤眠篷
背星斗縱橫還認作花影滿身零亂玉階前夕坐
攜手銀牀屢問歸期指河漢江上倚紅樓分付西風
要早把峭帆吹轉待寶枕紗幮一番秋拚守住涼宵

萬金休換

玲瓏四犯

寄吳社諸子用白石韻

白月照歌青春呼酒當時歡意何許小闌花影下一
夜簫聲古黃金問誰買賦祇投書弔他湘浦萬里清
遊百年幽恨都是楚騷苦 閬門柳深無路坐微波
水榭殘照當戶山川空自好獨客飄然去明朝莫倚
西樓望有人在秋邊行旅愁寄與蘋花說鷗天没侶
沁園春

栗臺夢語

十

放舟大江至焦山還登北固甘露寺

乘一葉舟放乎中流豈不快哉正海門無路漁帆似
雪江天有寺佛鼓如雷蘆荻蕭蕭波濤滾滾勸我須
傾京口醅麤豪甚把南朝下酒東海爲杯 天風吹
我南來對如此江山懷抱開笑金焦兩點一般俊物
齊梁六代幾箇雄才大帝龍蟠寄奴虎踞王氣銷沈
絕可哀斜陽裏且高歌擊楫長嘯登臺
探芳訊

白門訪蔣二窗

客程悄正湘怨侵絃吳音隨權訪南朝山色依然蔣
家好相逢坐說旗亭夢欲哭翻成笑幾銷疑故國鴉
多天涯鷗少重理舊時稿記蠻雪紅衫燕塵烏帽
此日相如應是倦遊了傷心詞賦終何用一樣供憑
弔緝荷衣翻恨秋歸不早

同作

蔣文鴻 二窗

白門曉浸碧柳城陰愁深波渺遲蘭舟江上煙帆
轉孤峭三山待客揮詞筆高倚青天笑坐晶簾翠
蟀啼空錦蟬鳴悄相對祇吟嘯任二水流殘六

栗臺夢語

十二

朝人老十里清淮花月正娟妙渡頭桃葉隨潮返
歌舞供才調漫銷疑遊事如今未了

夜行船

納涼秦淮橋上

喚起南朝秋一片坐鷗天看他鶯燕越芒單衫吳桃
雙槳何限舊家疎散簾影鐙痕人語亂畫船歸水
香吹遍昨夜星辰今宵風露只博明朝腸斷

同作

蔣文鴻

水氣通簾花氣貫恰當中送來風片翠葉津頭紅

闌橋下過去舞香零亂 碧落清涼星不散悵銀
灣兩邊無岸珮響回波釵聲溜檻暗裏沁人重見
惜紅衣

莫愁湖看荷花連句用白石吳興荷花韻

樹影團雲樓陰壓水午風無力 二窗 捲上晶簾涼鷗

夢痕碧 仲實 芳情楚楚應解念漂零詞客 二窗 愁寂

單舸鬧紅有鴛魂棲息 仲實 青錢萬陌難買嬋娟

空香久狼籍 二窗 何時載酒小艇任南北 仲實 只讓

舊時絲柳記得箇人來歷 二窗 怕滿湖金粉還做六

梁臺夢語

三

朝秋色 仲實

前調

白石吳興荷花詞云可惜渚邊沙外不共美人

遊歷余在莫愁湖看荷花亦有此懷因用其韻

寄內子玉可

青蓋迎秋紅衣墜晚似嫌風力脂粉清輝圓冰射花

碧今宵載酒誰念我江南愁客人宋吹過暗香是伊

家蘭息 楊垂御陌芝問天階侯封遜仙籍鴛鴦一

水肯到白狼北鏡裏可憐春好舊日與誰同歷對者

般花朶空想莫愁顏色

前調

昔與吳社諸子及二窗汎石湖連句和白石疎
影詞有甚時重看金波來熨小紅裙幅之句今
來莫愁湖看荷花諸子已遠獨偕二窗對莫愁
復憶小紅對二窗復憶諸子也

蓮葉香中柳絲影裏六朝金屋花豔如人人還豔如
玉一雙燕子慣七二鴛央同宿棖觸江上遠山學當
年眉綠 鷗邊睡熟飛夢吳天秋心正淒獨今宵料
得客在石湖曲截筒聞紅單舸熨遍小紅裙幅把此
時幽怨分付兩枝橫竹

同作

蔣文鴻

雲散離痕風銷夢影水天涼玉翠帔猶遺嬋娟出
新浴無多秀句難寫徧青羅裙幅相逐尋豔覓香
歎知音人獨 情紅意綠對此裏人芳悰被愁束
壺圓勝賞雅唱定連竹尚憶製荷編芰約辦早秋
奇服悵一江遙阻目斷夕陽山麓

青玉案

清夜與二窗汎舟秦淮

白門柳色青無恙，慣繫住桃根。槳水氣如花，香霧漾蝦簾。卷羊燈初上，四百琵琶響。斷魂又逐潮來，往月子多情，照虛幌。莫聽江邊商女唱，一船風露六朝煙。浪坐箇愁人兩。

同作

蔣文鴻

青溪翠汐宵來漲，在丁字簾前。漾水面畫船相次，長紅闌干外，綠翠思裏。裏外珠鐙亮。清遊不與花同黨。鶯燕微窺似，嬌謗玉樹豔。歌成絕響，隔江

葉臺夢語

西

商女要人腸，斷儘把前朝唱。

三姝媚

泛秦淮和二窗韻

紅樓過第幾，喚烏篷尋秋。十三樓際送了斜陽，怪畫船都帶水。情煙思白雨，跳珠驚陣。陣鴛鴦飛起，一曲鷗波照影。曾經六朝才子，慵傍疎簾，丁字任隔舫。吹來鬢邊花氣，粉怨金愁，滿天飄泊。暮霞如綺，眉月窺窗，知道我淒涼情事。葬盡春魂，不信青溪沒底。

原作

蔣文鴻

清遊人有幾滿空波飄飄澹愁無際白舫尋涼乍
水香天遠不禁秋思錯落珠啼剛隔蒲荷喧聲起
洗盡胭脂便是清溪也如西子 惆悵秦淮名字
甚一瞥流殘祖龍王氣六代衣冠祇今惟剩照春
羅綺詞客飄零休更賦江南哀事絕世花魂只在
吟邊酒底

太常引

秦淮遇雨泊舟幽絕處以此調寫之

斜陽忽失樹間明紅墮聽無聲遮斷蔣山青看雲氣

葵臺夢語

五

來從孝陵 溪光似鏡無人到也沙鳥自梳翎蟾界

洗成冰更洗出鷗天水晶

尊前愛聽打荷聲鴛夢不須驚天替我憐卿贈萬斛

涼珠定情 單衫喚酒疎簾聽笛忽憶五湖盟枕畔

墮釵橫臥冰簟銀牀看星

摸魚兒

秦淮河舫連句用郭頰伽盪湖船韻

二千年南朝金粉飄零今在何許 中實 柔波依舊青

溪曲來載酒朋詩侶 二窗 絃與柱把錦瑟華年銷向

鷗邊路

中實

賦情誰與有照水鷺鴻舞筵飛燕同坐

開紅處

二窗

箏琶響替了江關戰鼓名花開落皆

數

中實

畫篷解識新歌豔不慣禁他風雨

二窗

眉黛

語賺山色窺奩江上來飛渡

中實

歸程聽取是夢後

真真愁中小小做就斷魂艫

二窗

臺城路

騎登雨花臺

六朝秋在臺城路鞭絲十年重到廢苑離宮殘雲剩
水禁得幾回憑弔天風浩浩吹酒店青旗戍樓紅纛

葉臺夢語

七

鴉外無人一僧負手看斜照

星星劫灰未掃雨花

零落盡惟剩秋草海市樓船江關戰鼓只恐青山愁

老英雄去了誰念我登臨承平年少暝色催歸寺門

鐘動早

念奴嬌

元武湖荷花用白石韻

藕絲國裏對湖山况有同舟仙侶誰把六朝金共粉
散滿煙汀無數斷葦牽衣瘦菱飄槩萬葉聲催雨無
人尋到白鷗來贈秋句小艇搖入波心花深不見

莫是逢仙去惆悵蓮歌何處聽驚起沙禽眠浦紅浪
連天綠雲如海多少香魂住劉郎老矣再來應恐迷
路

同作

蔣文鴻

翠翹顛曉有佳人遺世亭亭無侶水陌圍香三十
里不計紅衣重數羅韞相思玉壺零淚夢綴珠鈿
雨花情清婉澹愁飄滿題句芳意難託微波湖
風乍起吹送瓊瑤去還被綠雲招恨遠望極虹梁
煙浦青蓋停涼素房開晚怕與秋同住幽芬來往

栗臺夢語

七

兩行垂柳堤路

十六字令

寄玉可

遊楚尾吳根遍訪秋心事悄夜夜望牽牛

探春慢

吳社諸子用白石韻連句見寄和原韻答之

吳市山塘秦淮水閣秋星同一分野客袖啼紅奚囊
背錦贏得詩愁滿馬多少尊前恨對如此江山慵寫
月明吹笛青溪蔣侯閒共情話惆悵賦別蘇臺空

淚泣金城絲柳重把六代衣冠百年人物祇剩夕陽
梅冶酒醒渾無語但夢逐潮聲東下甚日西廡挑燈
還說今夜

滿江紅

鐘山謁明太祖陵

手定山河二百載十有六君空留得寶城松吹金瓦
苔紋蟬奏丁般羅帳伎鴉如幾箇錦衣軍斷送他王
氣後弘光先建文 孝陵路村酒醺靈谷寺晚鐘聞
早銅駝歸魏玉馬辭殷幸少牛羊童豎火已無龍虎

采臺夢語

文

帝王雲與漢唐開國幾英雄爭夕曛

慶宮春

青溪水曲不秋自涼與二窗繫舟垂柳下水風
蕭寥斜日入坐遊船罕到明漪絕塵相對閒鷗
忽忽已有歸意和白石此詞扣舷歌之望美人
兮天一方不能無赤壁之感也

高樹蟬涼斷橋虹彥隔煙喚起秋濶魚國吹漪空香
四遠水風還似百末有人凝睇對簾外眉山秀發詩
愁多少飛滿吳天畫篷難壓 十年俊侶飄零短艇

蘋洲笛聲悽答松陵歸櫂飄然欲去幾被閒鷗相遇
玉階蘄簟怕今夜寒侵露韞沙邊幽恨分付斜陽澹
紅半霎

同作

蔣文鴻

空浪搖汀畫橋停舫日斜岸柳陰濶荷苧生風遙
波自響颯然秋到浦末似聞江上夜楓冷愁絃暗
發龍綃飄舉還恐青娥珮輕難壓素雲也學蒼
鬟水帔涼天影憐形答溪光柔玉瀾容軟翠蕩去
芳情誰遏鏡花留照有多少翩翻步韞歌蟬休怨

芙蓉夢語

九

香苻牽衣夢慳一霎

一萼紅

憶吳門舊遊賦此解寄社中諸子用白石韻

畫橋陰倚闌干喚酒涼月矚斜簪瘳鶴窺詩老魚聽
曲花底殘照初沈話前度梅邊影事有小小枝上並
棲禽醉後烏絲別時紅屺幽恨催臨何事片雲吹
散把吳天一碧換作湘心簫市行歌琴臺坐嘯歡怨
無處堪尋已多少青春浪擲更休問曾擲幾黃金好
趁秋星渡河不怕波深

憶舊遊

自金陵往鄂渚月下宿江上輪舟躡船感賦

向吳頭聽笛楚尾呼鐙萬里風煙一宿金陵渡正烏啼潮落白下門前幾多六朝幽恨分付隔江山也愁見而今江城壁壘海國樓船飄然未歸去悵豔冶銷磨客裏山川秋信渾如此怕翠眉顰柳紅淚凋蓮水天二分涼月照我共無眠悶冉冉秋星可能飛到伊鬢邊

柳梢青

江行覽古

滾滾江流蕭蕭荻葦宋宋汀洲江上青山已都愁老還勸人愁新亭涕淚難收對風景依然楚囚四海爲家六朝如夢一樣神州

揚州慢

鄂渚晤沈大伯華用白石韻

黃鶴空磯赤烏殘壁古愁漸滿征程看朝吳暮楚隔數點山青又如夢東風過了幾人年少巾扇塵兵問扁舟何事年年來去江城與君一笑早相看華髮

休驚剩白月飛觴青天倚劍猶賺豪情倦客甚時東
下今宵夢先逐潮聲怕秋雲吹散尊前幽恨還生

同作

沈 沈伯華

雙槩迎潮一篷眠月聽君細數行程記相逢幾度
短鬢尙能青看如畫江山在眼十年生聚差幸休
兵怕高樓吹笛秋聲先到江城 舊遊似夢算年
時回首堪驚有單舸荷香長橋柳色都繫離情莫
話故鄉鄉思鄉心入柔艣聲聲問天邊明月今宵
休照愁生

栗臺夢語

三

憶舊遊

余以壬午四月重下鏡臺婦家在鄂其地有曾
太傅祠池館幽清花木秀蔚據山攬江吳楚在
目常攜內子遊焉今冉冉七載而余行踪猶在
郎官大別間聞祠中風景亦非故矣因製此詞
並邀白華內弟同作蓋不勝長干竹馬之感云
記鸞箋寫韻鳳曲遊仙小住文簫閣外山如畫試弓
腰步履來看江濤畫闌舊時曾倚香氣未全銷怕一
角斜陽春人去後紅得無聊 檀奴慣離別幾陌上

花開江上萍飄丞相祠堂在似元都觀冷慵問栽桃
青絲上頭千騎無福比韋皋漸老了周郎負他初嫁
人姓喬

同作

沈 沆

記飄煙院宇漾水簾櫳一幅生綃正值紗衣節有
池荷擎蓋勸客涼招招涼那回亭角花外坐吹簫
想斑管分題駢車小住回首魂消 凌霄指高閣
數幾度登臨極目迢遙戰伐勳名在看江山滿眼
憑弔無慘此地慣經離別雙鬢已飄蕭嬾說到重

栗臺夢語

三

遊珠簾畫棟今宋寥

齊天樂

和白華用叔問韻時余將遊廬山

西風又起天涯路吹殘碧雲如馬十載江湖無人到
處慣與閒鷗爭霸一雙不借更廬阜尋僧遠投蓮社
行路尋常曹將軍筆也難寫 銷磨舊懷豔冶向荒
臺流水空弔琴雅夕跨蒼龍朝辭黃鶴明日芙蓉手
把與君別者莫只學人間秋蟲吟啞五嶽歸來早將

書代話

原作

沈 沆

平生少小京華客清狂漫誇裘馬文采風流浮雲
富貴不數丹青曹霸頭銜欲借好賭取高陽酒徒
爲社乞食歌樓英雄面目倩誰寫 情裏尙餘驕
冶且粗豪收拾何論風雅俠骨難銷歡場易散只
有龍泉可把君知我者怕唱到旗亭繞梁聲啞流
落天涯五湖三畝話

滿江紅

過鎮江感懷

葉臺夢語

三

滾滾波濤驚心望風雲變色算除却潤州京口無斯
奇絕虎門龍爭南北限烏飛兔走東西沒只茫茫片
刻對江山堪頭白 縱華了頭上髮休冷了胸中血
問中流擊楫壯心誰切兩點金焦愁似我千帆吳楚
忙如客驀一聲漁唱起前汀鷗飛滅

踏莎行

京口舟中作

鐵甕樓船銀山戍鼓江南江北愁來路斷霞魚尾畫
金焦殘陽鴉背分吳楚 三十功名萬千詞賦英雄

才子俱塵土佛狸祠下聽潮回垂虹橋上呼秋去

疎影

昵鵲樓主家在虞山嘗與汎舟尙湖招涼度夕
時水空天遠星晚月初湖風吹衣山翠倒影夜
色中光景奇絕旣泊舟中流乃弛衣剪篔簹枕
鷁首而臥飛星掠鬢斜河映脣共道歡愛則言
笑晏晏相憐同病則悽然俯仰自以爲逢伯陵
季荊以來無此樂也聊賦此調以追舊歡

湖風滅燭向萬荷葉底偷解裙幅隔著紗衣珠汗原

葉臺夢語

五

無嫣然況是新浴桃笙八尺涼如水莫冰了芙蓉脂
肉怪一螢紅墮船唇照出小憐橫玉定被虞山見
也箇人正睡裏來盜眉綠天上孤蟾波上雙鴛替我
安排金屋客星夜犯天孫座是儂足潛加卿腹怕鬢
邊茉莉吹香愁得老龍難宿

附自題絕句

華年輕擲等飛梭眼見秋星又渡河莫爲舊歡增
感歎人生快意豈宜多

大江東去

仲方與叔海以七夕前一日遊石湖作詞憶余
遊廬山而余適至因和韻以畚仲方用東坡韻
卽用其體

一拳廬阜也還算吳楚中間奇物我自飛行南斗外
不藉丹崖翠壁三石梁邊六朝松頂瀑布懸秋雪浩
然歸去望雲心似仁傑 翻羨陸弟周郎石湖秋色
裏扁舟徐發五老香鑪遙送我回首煙嵐明滅未報
君親名山雖有約敢云披髮人間事了騎龍同捉明
月

栗臺夢語

五

原作

黃守琮

仲方

大兄期我也西漢揚馬凌雲人物錦瑟華年才思
減分付孤舟四壁塔對高樓煙空遠嶠天映光如
雪梅花新調愁吟千古奇傑 尋盡南斗旁峰謝
公雙屐解歸帆同發載酒聽鐘無定處絕似潮生
雲滅夜夜明河年年秋水縵了千絲髮檣頭應望
垂虹橋上新月

洞仙歌

七夕後二日攜玉可汎舟葑門荷蕩觀白蓮遇

兩用東坡韻連句紀遊二首

功名馬汗與文章牛汗贏得新霜鬢邊滿

中寶

問何

如一舸鷗國招涼花世界不管人間理亂

玉可

碧

雲香似海沈醉吳王鴛夢何知有秦漢

中寶

銷夏古

灣頭花落花開千秋事水流難轉

玉可

喜坐對如花

素心人把綠意紅情霎時都換

中寶

天將白雨洗環妃紅汗萬顆涼珠玉盤滿

中寶

看羣

仙舞罷濕了霓裳裙幅幅都把青羅摺亂

玉可

閒

人卿與我縱苦炎歊憂旱無心賦雲漢

中寶

一笑聽

寒臺夢語

美

秋聲水葉風蒲乾坤事讓他旋轉

玉可

祇四壁花園

五湖舟學范蠡夷光姓名先換

中寶

齊天樂

文十嘗遊虞山登興福寺樓作詞飄然有白石

意致後五十日余亦登此樓未采華芝但攜桃

葉今則江山如故人事已非讀君詞不知哀樂

何從而至和韻有作旣憶舊遊兼諭知我諸君

浩浩此愁亦如山中白雲不堪持贈也

短簫淒咽登臨恨天涯賞音誰是劍氣俱銷琴心欲

倦來訪吳儂鄉里劉郎老矣要醉臥青山被花扶起
吟袖弓鬢半空飛過粉香細 人生一般如寄便闌
干好在難得同倚海上船回江南花落往事空隨流
水扁舟料理怕載酒重來舊鷗都異桃葉飄零暮潮
還又至

原作

文焯

夕陽呼酒登臨處尊前故人還是江國無花山城
自綠莫問虞丘言里行歌倦矣更一片秋魂亂雲
扶起醉袖飄蕭海風吹下劍花細 天涯此樓如

茱臺夢語

三

寄看殘朱斷碧都爲愁倚佛鼓荒壇神雅藜社今
古蒼花煙水吳絲漫理正披上鴻飛數峰淩異坐
盡林陰甚時重夢至

和作

易順豫

叔由

十年贏得江湖感飄零未秋先是酒醒人歸潮回
雁遠重爲訪鄰尋里惟踪逸矣似老去情懷對花
慵起羅襪翩然幾番微步軟塵細 明珠不堪再
寄想天寒日暮修竹愁倚玉管啼春朱門閉雨苦
憶山中泉水歸舟自理算如此烟波夢遊何異溪

上劉郎祇曾前度至

摸魚兒

丁亥七夕初返吳門與同社諸子和白石辛亥
秋期韻

更能消幾番秋淚銀河將變簪井流雲一夜聲如水
不許天孫安枕幽夢省似海上仙山喚起冠未整生
衣漸冷正暗露蕭蕭飛星冉冉秋信到斜頰 通天
表腸斷南朝沈炯神仙富貴俄頃人間總有癡兒女
歲歲鍼樓祈請歡易迴悵十載江湖幾並花外影佳
期莫問趁小扇單衫疎簾清簟對坐惜光景

葉臺夢語

天

同作

易順豫

浣雲裳暗催涼節西風高處宮井謝郎已恨銀河
遠愁絕玉階珊枕誰更省鎮長是盈盈一水波路
整幽歡自冷况比月難圓和天也老能得幾回頷
空惆悵夜夜霄寒露炯相逢相別俄頃人間畢
竟多情甚爲告緡錢私請歸夢迴又却誤飛星數
點時度影憑君莫問喚宿海神仙鍼樓兒女來共

話秋景

念奴嬌

以漢瓦當視贈女弟玉俞有詞來謝和韻答之
玉煙瑤草待呼龍來種此田非石何處漢家三十六
惟剩片雲秋碧助畫雙蛾添修五鳳醫得詩仙癖冰
蟾悲喜素娥重見今夕惆悵着子鸞環小鸞去後
空向人間覓何似團欒明月樣曾照當年太液午夢
堂前未央殿上天壽誰平格東風一笑漳臺銅雀無
色

原作

易 瑜 玉俞

琴臺夢語

无

紫雲一片是媧皇當日補天之石墨暈苔花留數
點幻作蒼然深碧金盃留香玉蟾滄露應笑癡成
癖多君持贈綠窗清伴晨夕誰信似錦華年裁
冰縷月綺思難尋覓願祝掃眉湘管上分得墨池
仙液滿紙松煙一奩桃雨細寫簪花格蕭然相對
夜涼吟盡秋色

壽樓春

和未問秋感用馮夢華同年原韻

招西樓秋魂正滄波雁瘦故苑鴉昏早是愁填碧夜

夢銷青春歸伴我牛衣人洗布裙河邊天孫但補屋
蘿疎渡江桃遠錦瑟易生塵 吳王國空斜曛讓漁
樵野局沙際開尊十里江村暑退豆花遮門看萬鴨
如歸軍帶綠萍來棲籬根拚買醉山塘斜陽一痕紅
上巾

前調

疊前韻寄二窗金陵

霜花腴還魂憶靈巖喚酒水瘦煙昏更憶蠻江聽雪
市橋沽春都老了翩翩人舊屐裙張循王孫悵埋玉

棊臺夢語

三

山川銷金歲月環燕一般塵 秦淮曲丁簾曛共招
涼藕國翠雨飄尊甘向紅樓乞食勝他朱門黃月暈
圍如軍照二萍吳頭吳根空墨淚模糊詩痕醉痕淒
滿巾

同作

文焯

看離紅鴟魂又零鈿翠粲倦笛黃昏誰念蘭芷捐
珮鏡花空春愁不見雲端人繡舞裙當年公孫自
寶劍星飛瑀坊日冷悽絕綺羅塵 吳亭酒移芳
曠問名娃舊館山鬼呼尊那更疎鐙在水野雲當

門風埽葉如殘軍感白萍漂搖同根想孤棹青谿
標栖夢痕吹岸巾

和作

蔣文鴻

搖孤帆秋魂趁江蟾暈夕旅雁排昏重到蘇臺花
晚綺羅留春尋瘳碧壺中人舊屐裙翩翩王孫聽
飛唱金荃新聲石帚橫笛墮梁塵 家山遠愁斜
暝話當年意氣遼海翻尊尙憶呼鷹戍壁射鵬關
門詩筆峙長城軍嘆水萍無端吳根儘題遍千峯
蒼崖月痕籠岸巾

采臺夢語

三

八聲甘州

張子芾出觀其室曾季碩畫瀛洲圖圖長徑丈
奇筆也子芾自題詞言某歲與同舍生十八人
送蜀學使南皮公於新都縣桂湖公曰此瀛洲
也今十餘年矣公久督兩粵子芾猶淹留吳下
屬余題和因出己意以廣之

向虛堂喚酒展生綃風雲畫圖開想龍顏帝子虬髯
妹婿幾輩雄才瀛洲縮成方丈佳氣鬱蔥哉師友君
臣感曠古同懷 世事都如畫耳悵三巴故國百粵

高臺刺繡春織畚踪跡似梁萊幻空中指彈樓閣怕
神仙將相總塵埃還輸與萬桃花樹偕老天台

原作

張祥齡 子芾

看從龍俊彥鬱雲興天策帝門開嘆山川衮衮諸
公灑落都是仙才老子婆婆風月俯仰亦雄哉却
笑高陽佞負却清懷 記得柳邊旌旆正雨清四
野日落高臺喜淵雲伴侶携手住蓬萊捲長江雪
濤千嶺向橫空萬里洗塵埃今回看海鷗波濶月
朗三台

棊臺夢語

三

壽樓春

山塘僧雲閒有琴欵曰纖纖蓋瘦吟樓物也女
史才名著吳下與其夫陳秀才竹士有靜好之
稱浮眉樓主虎山尋夢圖卽爲竹士悼亡而作
今百餘年矣余每遊鄧尉經行橋下必徘徊久
之頃見斯琴重有所感乃賦此詞

聽松陰蕭蕭把山塘輓水彈作風濤何處斜陽一角
瘦吟樓高絃帶潤曾輕挑舊雨痕疎簾櫻桃折秋土
年華春人福命指上有離騷 天女去空花飄坐音

聲海裏萬感如潮莫問啼鵑錦瑟彩鸞文簫誰念我
魂都銷憶虎山他生紅橋正落爪鏗然僧房宋寥聞
剪刀

和作

張祥齡

聽泠絃清蕭動冰環玉指松咽哀濤悽絕紅樓影
渺月華孤高司馬夢簾閒挑料瘦姿幽魂香桃厯
才女雙尊枯僧獨榻不語也牢騷 妝奩物人間
飄感零縑墜粉世事遷潮望斷龍沙漢曲鳳臺
秦簫黃竹恨揚塵銷怕海波冤禽填橋似壯士雄

葉臺夢語

三

心狂徒閬寥襄寶刀

蘭陵王

題徐梅隱湖橋春影圖用周美成韻

玉簫直慵立湖陰暝碧春衫冷風外自吹隨帶江南
斷魂色詩愁滿水國來對聞鷗作客看波底垂柳落
花慘綠斜陽一千尺 苔邊俊遊跡漸蝶粉飄衣鴉
淚凝席窺篷黃月如初食尋舊曲桃葉更聽吳語紅
闌回首隔幾驛夢飛到橋北 幽惻墜歡積怕載酒
人歸還比秋宋垂虹讀畫情何極且並舫免扇隔簾

邀笛魚天空翠向鏡裏似欲滴

齊天樂

吉祠秋集分咏得廢池

廿年喬木言兵倦揚州舊遊何許瘦鷺窺肩枯蟬感
鬢來對荒波自語畫闌在否有飄泊春魂落花曾住
不似宮溝替人能寄怨紅句 枯荷又兼暮雨紫萍
無賴甚空自來去太液秋風昆明春水回首漢家簫
鼓他時倦旅怕一角寒漪也無尋處照影冰奩素娥
愁更苦

醉太平

山塘秋晴花圃晚集

瓜棚豆棚花墜菜墜斜陽香霧如蒸暈秋窗一層
琴僧畫僧詩朋酒朋紅闌隔水同憑看人家上燈
霜花腴

此詞本吳夢窗自製曲蓋重陽後泛石湖作也
余亦後重陽六日去吳社友和夢窗韻贈行芳
節多陰蘭情稀會倚歌和之言愁始欲愁矣

扣闌喚馬恨玉釵秋來不挂臣冠朱戶飛樓翠微流

水今宵夢到俱難。鴈繩繩、隕寬怕斷。魂猶在風前。甚吳天也。替人愁淚。花飄雨。一江寒。雙鬢綠波。曾識怎。蕭然獨去。照影如蟬。離墨偏濃。呼鴉題句。亂山爲我。鋪箋。傍橋繫船。對越娥。妝鏡嬋娟。剩前頭。幾樹涼紅。獨歎霜枕看。

原作

短亭喚酒稱遠遊。西風楚客危冠。文焯衰草荒煙。

冷楓殘照。離魂欲畫。應難。張祥麟帶圍易寬。又者。

番秋老尊前。易順豫甚吳帆不怕天涯。過江人與。

葉臺夢語

三

鴈俱寒。蔣文煥京國袖塵霜。憤伴孤吟。已是斷。

柳無蟬。陳昌雲哀筑歌沈。名臺金冷。無多舊恨。能。

箋。叔問夢雲繞船。悵美人秋水娟娟。子市待明宵。

笛倚西樓。月圓誰共看。叔由

前調

再和前韻寄同社

冷松照影語舊遊。霜楓醉倚貂冠。溫酒簾櫳。背花行。李閒鷗去。住偏難。夢嫌水寬。問甚時飛到。鐙前聽春聲。似隔天涯。小樓吳語夜香寒。那是載人雙槳載。

秋魂一箇未蛻枯蟬怨葉初紅愁波空碧問他可寄
人箋隔雲送船謝遠山眉黛娟娟在蘇臺換盡斜陽
有情終耐看

甘州

和社友用玉田韻贈別

恨行雲只解向天涯無意離芳洲正蘋花弄晚南鴻
西燕相對悠悠一樣淒涼殘照明日莫登樓載得情
多少分付扁舟 喚酒依然江上把年華似錦擲與
輕鷗看青山數點點點是離愁且休寄宮溝怨句怕

誤他紅葉儘飄流西風緊斷魂難覓都化成秋

原作

向薔花白處挽吟橈涼雪滿汀洲 二窗 正霜飈送

遠寒催雁羽江水悠悠 子市 一笛吹腸欲斷和夢

遶南樓 叔由 明日孤帆迴雲外輕舟 笠塘 同是

飄飄天地又蒼然獨去海上看鷗 二窗 最無情是

艣分水不分愁 子市 且休賦銷魂恨句怕江郎因

恨減風流 叔由 他鄉慣送人爲客更送殘秋 笠塘

光緒十六年閏月刊

游梁詩賸

河內于式棧署檢



遊梁詩贖賦子二月至

楚頌樓詩第二十二

易碩中頌

葉園宴集和李公子黎山人連句韻一首

韶景會晴爭盛年樂哀至龕官繭自縛亂感狙羣伺
藹藹陌始熏溶溶渚初膩寶馬加寶鞍春衣躍春筇
豫川走新黃良嶽埋故翠寫憂勇行吟知恥怯襄刺
南鄣遊劇佳西園歡勿墜何須樓登樊底用臺訪吹
名構辟疆開醅醪公瑾醉思賢哀窈窕慕侶發寤寐
聯雨舊雨今聚苔同苔異五德本循環百昌由漸漬

游梁詩贖

一

奇香蘇死莖暄氣鼓生翅弔古石無言感時花有淚
雲回回西行日宛宛中昔鸚鵡學參軍蝴蝶化園吏
齋改八關名袂追九年事名士不詩妖醉人爲國瑞
舞鶴余蒙童雜駒子招致仕漢曾卽潛遊梁豈賓位
髀肉肥堪嗟須鬢醜可愧慘澹千載心艱難萬方志
冀州猶唐穴武陵敢秦避回瀾望巨手射潮仗神臂
竹槌師徹法蘆灰昉媯意馮螭切以和澤雁撫而字
白馬刑豈虛黑龍殺非僞民困觀鄭圖使功待歐記
軫時徒蒿日思痛彌酸鼻讓策誰獻三衡愁但賡四

況從滄江卧久謝青瑣議愚當歸歟劣合移郊遂
偶然會萍蓬奚啻分秉采或執牛耳盟或探驪頷睡
閔論或典謨清譚或老易傲或孤雛蹲俊或羣鴻戲
沈冥世難械乾没天所輕微雨膏車輪東風吹酒幟
贈歸德知府文悌仲恭一首

丁亥冬出都道中見綠衫居士題壁詩有此日乘
軒當年戴笠之語到汴乃知爲歸德守文仲恭其
少時嘗棄家遠遊乞食此郡踪跡迭蕩亦可喜也

賦詩寄之

游梁詩贖

一

睢陽太守吾未見意中知是奇男子少年十五十六
時獨走三千二千里身騎駿馬桃花紅出門一笑如
追風新豐且作鳶肩客太原不訪虬髯公邯鄲道上
黃金盡落日題詩寫幽恨醉上叢臺有句知困眠破
廟無僧問梁國富人重張耳淮陰漂母哀韓信飢鷹
展翻盤天地恥學滄于號齊贅脫身徒步便歸來十
載東華身已貴當關猶識棄繻人分符卽在傭春地
闕伯祠前紫駟五聞君行部勇甘雨方教東郡買耕
牛不似北平空射虎那知循吏韋蘇州少日曾爲羽

林叟去年我過沙河驛下馬旗亭看畫壁讀君題句
知君名兩度來經異軒笠軒笠區區何足論天池變
化多鵬鯢負弩爭看入蜀市吹簫不忍忘吳門英雄
從來報一飯何況每飯皆 國恩因君棖觸兒時感
我亦天涯乞食人

贈義州李公子葆恂一首

宣房受萬福哲匠起舟霖脫屣榮觀外而無遺世心
橋叩既瞻旦杼恭復窺禽公子秉冲度琴德實惜惜
亟条布文囿振藻蜚翰林華實備春秋新故迭知談

游梁詩贖

三

彼汾歌如玉旱鹿美相金嘗聞譏尹氏閱閱易惛淫
不觀潢汙淺安識溟渤深由庚繼華黍王化本家箴
曰余嬰拙疾初覲忝朋簪陳力媿周言思歸動越吟
進升路難階退耕力不任詎無鼓刀効徒殫信凌襟
五月六日自河上返宿楊橋陳按察丈留飲大王廟
並示春日堤上作明日旋大梁和韻一首

堤柳無言向人綠臨河豈爲哀鳴憤南看廣武北蘇
門阮籍孫登可追逐方今漢室塞宣防頗向傅巖求
版築天下賢愚有膏澤貧賤盜應坐吾屬義宵老子

幡然來前輩風流似山谷平生政坐蠲臨宮再起仍
占鴻漸陸手障狂瀾百川水心在神州萬家屋 國
財民命皆有數豈能盡饜蛟龍欲固知公志思山林
且與 皇家正川瀆新蒲泛泛薰風香留我古祠餐
脫粟頭顱自知已三十便欲歸噉茅山粥願公少留
佐中興先歌鴻雁後考牧日長無事睡易熟夢入山
中聽松竹

感事八首

殷憂啟聖事如何不信堯湯水旱多此日求衣軫鳩

游梁詩賡

四

鶴無人請劍斫蛟鼉勝裁七事桑林禱來福三年瓠
子歌海內甲兵都洗未更煩壯士挽天河

宣防宮外指金堤遮害亭前問礫谿星海西來疑地
轉雲闕南望覺天低帝廷神助無蒼水戰國人才有
白圭千古奇功數潘靳空聞塞口止兒啼

眾派南趨擁怒濤忍將民命付三篙天王擲牝黃金
賤使者刑牲白璧勞五百里巖流汗血萬千家淚化
脂膏監門圖繪應難盡賴有循良浯爾曹

桃花春水接天流瓜蔓簪山又早秋時事真成騎虎

背功名祇見爛羊頭射潮宋竇三千弩鑄錯倉皇十
六州寄語乘查諸漢使莫憑鑿空取封侯

切和疏寫望蟠馮昭代明禋肸鬩通似見神君乘白
馬相傳聖父化黃熊庚辰偉績今猶烈甲子榮光古
獨隆簫鼓喧闐迎送關萬人歌哭水聲中

漢家煩費久蕭然歲歲防河似備邊騎尉中郎武功
爵廬兒走卒水衡錢貯嬌久未營金屋置郡何殊得
石田桑孔重生應束手朱提易竭海難煎

漏卮河海竟同稱杼柚東南早不勝但使勤民傾王

游梁詩廢

五

帛強於養寇竭金縉鴟鴞家室多陰雨鴻雁君臣有
中興袞袞羣公滿中外臥薪應較徙薪能

持節勞臣鬢雪皚元精耿耿望三台綠章每向靈祠
奏 丹詔頻從 黼座催憂國同心持大體回瀾隻
手仗奇才商胡橫隴關天下拔劍高歌斫地哀

題陳明遠詰甫汎查圖四首陳嘗爲使日本參贊官
海水綠如拭櫻花紅欲然梯航大和會冠劍小遊仙
書訪吾妻鏡藥求童女船東遊問徐福可畏祖龍鞭
少年湖海士豪氣見陳郎青玉張衡案黃金陸賈裝

故山懷構李春雨話樽桑知有長纓在能羈南越王
萬里初乘興茲遊亦壯哉槎如天上坐人自日邊來
風獵龍旗動雲銷蜃市開書生憂國意左股失蓬萊
蒼茫大梁國落日向人低築室謀難就廝渠蹟久迷
期君持玉節來此視金堤倘有張騫遇乘槎更向西
湘芸曲一首爲六杉太守作

李志曹蜍滿天地鬚眉多少無生氣卻從巾幗出奇
人不讀詩書明大義湘芸生小亳州城額髮初垂便
避兵滿目關河逃契綸低頭閨閣作螟蛉豈冠梢頭

游梁詩贖

六

春未破十三年紀恩恩過險驚卵碎爲巢傾豈意茵
飄翻溷墮誰言碧玉小家兒猝遇狂且苦自持曾矢
守身完白璧肯將繫足誤紅絲一股金簪血痕浴託
言春漲桃花透慷慨真襄烈士風聰明不墮奸人設
蘭閨舊伴解相哀提出青蓮火宅來虎口餘生輕患
難蛾眉九死鍊奇才此身詎作庸奴伍千里間關因
擇主騎衛誰知聶隱娘守雌早學黃崇嘏投身三度
入朱門喜得新巢勝舊痕燕子有緣逢地主牛郎無
意配天孫土人卓犖鳶肩客鸞絃新斷情悽惻只當

尋常寵婢看真同咫尺蓬山隔中秋明月照空廊營
奠微之獨感傷錦瑟詩方咏商隱玉簫心已識韋郎
亂頭粗服同傭保淚眼看郎郎未曉薄命淒涼似妾
多深情惆悵如君少感君垂問痛難禁語不成聲但
指心始信穿花非浪蝶方知擇木是良禽翡翠衾中
兩知己妾心悲喜郎驚喜木蘭當日是男兒姑射今
宵猶處子伫苦停辛廿五年才披雲霧見青天飽經
霜雪真蘆菊不染淤泥始算連從茲鸚鵡相依守伴
罷琴書操井白蘭玉兒佳穩稱心萊衣親笑常開口

游梁詩贖

七

專城千騎擁東方才把羅粵願略償惜福不忘餐苦
蘗憂民還助種甘棠一朝撒手歸瑤闕彤管生平無
愧色王母教騎彩鳳遊邦人尙感關雎德離鸞一曲
不堪問割肉何從遣細君白傅江南聽暮雨東坡海
外哭朝雲多情太守文鴛侶小傳徵詩淚如雨不緣
紅拂識英雄幾把青衣視奇女我亦無端感百端紅
顏容易素心難佳人埋沒才人困萬古傷心總一般
贈管晏敬伯一首

毘陵舊應文昌象洪顧孫黃安在哉吳國山川餘霸

氣君家兄弟並奇才早參軍事身偏放
晚客諸侯遇可哀猶有平生飛動意
秋風吹滿孝王臺

吹臺篇送余聯灃入都並東吳慶恩一首

騶枚不作孝王寂鶴洲鳧渚無人識
後來高李復誰存莽蒼寒雲幾千尺
龐眉書客意如何下馬旗亭幽恨多
滿目西風吹碧樹打頭北雁過黃河
邯鄲驛路千餘里送子酒酣可以起
好從上苑看春花更向中州問秋水
亭皋落葉聲蕭蕭夕陽照見蘇門高
相思徒有玉璫札贈別愁無金錯刀
文章報國非無用一

游梁詩賸

八

吐胸中九雲夢浴下才名並士龍
襄陽人物多雛鳳爲報長安舊酒朋
吹臺今日不堪登無端一作梁園客
翻羨相如臥茂陵

鄭國篇送陳按察丈往江南一首

鄭國秋風吹大澤魚龍瀕洞天一色
少姨廟下不逢人孝王臺前初送客
蔥河走入胸裏間蓬萊織女雲車還
銜石安能涸東海積金不顧高南山
曾連平生負高義臨組對珪非所意
橋邊黃石知我心山中白衣與人事
拂衣便作滄江遊欲往從之路阻修
未下

鹽鮮玉豉美洞庭橘熟金丸秋狂流動地風波惡我
獨何爲在溝壑欲覓三花贈別離空看一鶴翔寥廓
別思荒荒無古今葦芝未采雪盈簪梁園賓客今誰
在嵩洛神仙不可尋

戊子秋監河南省試闈中和巡撫望江侍郎前湖北
監試詩韻卽呈四首

有幸青雲附大賢頓教凡骨換成僊出山敢冀爲霖
早近水何妨得月先桂樹懸香秋八月菁莪籲俊古
三川仲華衣與蘭成策自媿風塵十四年

游梁詩贖

九

中州玉節始移風嶽色河聲顧盼雄燕許文章推鉅
手范韓勛業契宸衷魚龍退舍穴能澹鴻雁安居
歲轉豐更釣珊瑚歸鐵網長竿携得海天虹

試院煎茶憶老坡風流餘韻未銷磨撐腸文字五千
卷彈指光陰十七科桂嶺驂鸞曾著錄梧岡翮鳳久
賡歌宮花定是傳家物轉眴泥金吉語多

命宮磨蝎幾番臨爨後枯桐歷劫深紅燭碧紗他日
夢青燈黃卷昔年心忝襄盛典如傳鉢勉竭微才乞
度鍼普告廣寒宮裏客酬知相矢念蒼簪

己丑歲朝長句一首

除夕醉臥夢中賦詩醒後憶之僅記寵字韻因補
成此篇

我從前年辭帝都來守信陵公子冢山中猿鶴多譏
嘲河上魚龍正呼洵日聽衙鼓覺身閒月費官錢慙
食允流年兩送蛇赴壑陳迹千番蟻穿孔驚心白日
崑崙矐眯目黃沙天頽洞瓠子宮前斷冰合梁王臺
下寒雲重夥頤十萬戶沈沈余髮三千丈種種冷官
無事屋廬深枯腸得酒芒角疎憶當弱歲登賢良願

游梁詩贖

十

助吾君致端拱平生自許在稷卨年少憂時追賈
董百和寶鼎椎作塵九還金丹化爲汞射虎南山秋
氣高釣鰲東海滄波動早甘書劍伴飄搖豈意衣冠
陪闈茸酒人骨青蔣侯奇俠客面赤荆卿勇臥看螭
羸氣本平笑卻熊羆神不悚罵人劉四漫管裂作相
鄭五堪腹捧肯教帝溺辱儒冠誰把王頭驕士壘功
名何如羊胃爛世事大抵馬背腫莫將鼻息干虹蜺
且放尻輪飛螻蟻故園春早梅破胎老屋天寒禽脫
氈屠蘇有酒且斟酌盆卉初花要培壅著書仰屋高

等身踏雪入門深
沒踵短褐紫鳳尚可著
敝裘黑貂底須擁襟
期有時寄廬霍魂夢不復遊
嵩鞏無心譽堯况非桀
任人望蜀兼得隴溪山若佳死便埋
飲噉猶健生何恐
安能齷齪塵土間
豕白遼東學彭寵

鄭州河復詩上河督吳縣侍郎次義山韓碑韻一首
高皇九葉真龍姿
重光照臨娥誕義偏裁
流行國代有偶令
二聖憂馮夷
天威如霆慄在水
詎止陸讐千熊羆
唐堯九年今一稔
神靈若聽人指麾
中興以來頗踈濶
禹貢半部無人持
沈玉刑牲故事在
東風

游梁詩贖

十一

歲歲吹靈旗
奔濤西來蟻穴漏
天吳陽侯相追隨
橫流三州合
四瀆殺人何異
龜兼貉
河隄謁者功不就
大司農卿費不訾
帝命臣澁自南粵
以身許國無敢辭
狂瀾未堵蓄未澹
國家安用臣等爲
燒不給攢濡不扞
沐風櫛雨勤其司
若從道謀棄獨斷
俟河自復當期
頤負薪捧土衆十萬
一一感格無澆漓
豈欣元圭冀懋賞
夢中但咏哀鴻詩
乾坤斡旋頃刻耳
入海萬里平如墀
漢家宣防那足道
待樹响樓中天碑
公之精誠格天地
如韓驅鱷柳憇螭
支祁効靈童律

奮感公忠悃非阿私方今 聖人親大政萬方水土
須平治首培元氣固根本豫州况是天之脾九共囊
飫既可補崇邱由庚非無詞觥觥中丞望江老相與
一德謀雍熙成功盛業不稱述後有作者將何追不
才雖未荷畚鍤眼中實見公胼胝願公秉鈞河順軌
長保列聖億萬斯年基

會寄沈沆伯華夔陵次韻二首

杜陵看月落陶令望雲停余亦懷良友天涯至喜亭
鷓啼非故國猿響在空船愁思如春草相連萬里青

游梁詩贖

三

河上風如虎吹沙滿一城自爲羈旅客久負故山盟
浩蕩乾坤事蹉跎竹帛名滄洲歸興滿相望若爲情
和黎山人承忠韻一首

袞袞青雲轉後凋人生識字是愁苗元文覆瓿誰分
付學舍如舟且動搖一代諸賢嗟速朽百年幾日得
佳招慰君倘有千秋在詩卷長留抵二樵

再疊前韻二首

春紅夏綠易霜凋願乞餘年種藥苗老我五千言珞
琢輸他九萬里扶搖桃花水次秦人避桂樹山中楚

客招 聖代求賢非昔比與君才地稱漁樵

魂魄將隨秋草凋選樓姓氏軼君苗九州眼底誰支
拄五嶽胸中欲動搖壘與生王頭共滅臺無死馬骨
相招唐家魁紀成何事不辦遺編壓蛻樵

戲贈黎山人三疊前韻一首

五十飛騰齒未凋藍田種玉待生苗悲歌莫擊鐵如
意綺語當添金步搖顧氏非熊原晚出杜家荀鶴豈
旁招從來王道求妃匹士不能談笑有樵

雨後漫興四疊前韻一首

游梁詩廢

三

一雨能回眾綠凋故溪新漲活魚苗懸知煙浪千重
濶坐看風荷萬柄搖斗米折腰空自點扁舟散髮有
誰招疎簾清簟不歸去棊罷楚山柯爛樵

題憲齋尙書瑋春銅柱銘一首

桐柱之制高文二銅柱之銘文十四光緒丙戌孟夏
置立此德祠表萬世真同蜀相龔鬲人未許秦王覲
東帝興安嶺上碑穹窿大書深刻康熙中赫濯聲靈
二百載誰教牧馬侵却豐儒林丈人今北斗武布文
沈無不有早校中經白虎文還斟絕塞黃龍酒天驕

一夕哭燕支地險須臾返鶉首混同江水連松花邊
人喜識張騫查畫界無煩宋玉斧落盟不用唐金枷
惟看上將揮神筆琢刻雕蟲還第一功名將軍援博
德文字丞相斯去疾鍊石斷熬輔媯皇雨粟泣鬼追
蒼頡炎風獵獵朱鳶來漢家舊銅安在哉武帝竟棄
珠崖郅蚩尤敢射軒轅臺安得此柱立南極一掃萬
里浮雲開方今軒羲信神武自昔韓范皆邊才新執
元圭報天子黃流順軌奔如矢滿目桃花春水紅
回首扶桑暮霞紫手挽狂瀾奠地維中流一柱非公

游梁詩贖

十四

誰燉煌豈論裴岑碣响嶼方看夏禹碑

贈朱兵備壽鏞二首

尙書清望冠南齋昆弟齊名世罕儕鸞鳳三霄承闕
闕貂蟬累葉照江淮傳家定見黃金印報國仍趨
白玉階試向珠湖望秋色參天喬木棘兼槐

文章勛業未蹉跎休說區區甲乙科天上張星聯眷

屬城中膳雨勝修羅蛟龍聽令回瀾早驄馬行邊領

郡多他日宦成如憶舊尙能相訪到煙蘿

君善治具
故詩及之

題何梅村歲寒圖一首

梅村示我梅村圖梅村中有梅村宅知君用意盟歲
寒故遣題詩贈新別君家住近白雲谿谿上梅花似
雲白何人手種三萬樹一花一蘂皆清絕江南溪山
處處佳佐以茲花更奇特天心似憐却灰後爲吐生
機出蕭瑟荒村玉立萬嬋娟洗盡人間脂粉色夜深
縞衣聞叩門春暝湘皋憶捐玦竹籬茅舍低打頭紙
帳蘆簾清入骨不須望氣已先知中有冷人無熱客
后皇嘉樹與橘同受命亦復生南國嚴冬萬物久閉
藏遲暮羣陰方互結誰知紅白燕支痕乃是元黃龍

游梁詩贖

五

戰血遯世無悶古聖賢獨立不懼真豪傑直憑堅貞
幹造化豈但清寒門標格回天功大不張皇驚世名
高非盜竊孰撫星宿遺義娥欲補離騷規正則羨君
清福無比倫動我愁心轉增惻平生不慕萬戶侯願
作花農葬吳越姑蘇鄧尉杭西谿遊屐所到吾能說
冰傭玉販幾千家共倚寒香作生活東村西村酒可
沾南枝北枝花盡發雪堆膺腰數尺深月出樹頂一
寸缺板橋獨木人迹稀柴竈無煙語聲滅詩翁驢背
寒且僵仙妃蛟脊凍欲裂綠毛么鳳訴飄零翠羽文

禽聽悽咽誰家玉笛吹數聲何處瑤琴譜三疊微聞
雙鶴語堯年似駕羣龍朝帝闕此時我若不生埋孤
負乾坤玉成德如何此志終不遂憂患愈深心愈拙
本來冰海在胸中天地爲爐不能熱飢來驅人狂走
汴頰洞風沙日昏黑故山亦有數枝梅似此畫圖歸
不得汗遊一事喜遇君照人肝膽明如月温伯雪子
道氣存藐姑神人肌理潔處如卜宅當買鄰出若造
車期合轍一朝別我將南歸岐路相期保姱節常恐
千秋萬古心無端便被車塵沒送君惆悵展君圖若
有人兮呼欲出芬烈常如几席共夢魂豈慮關河隔
天寒歲晏君莫忘未死終來斲冰雪

題睿齋尙書牙璋拓本奉和元韻一首

璋長周尺三尺上有鋸牙四角刻虎形以人首投
其口旁蓋鄭康成所謂琥猛象秋嚴殆三代法物
也

齧髀糝糊類子璋繫來安用長纓長投之虎口不復

陽呂覽云周鼎著饕餮有首無身使鼠履之使不復陽也注陽猶生也防風有骨留汪

世蚩尤無肩葬壽張威加海內窮四旁作爲此璋制

度詳耿光大烈昭觀揚昆刀刻畫成文章不與圭璧
同圓方燭天寶氣萬丈強已闢地底三千霜尙書龍
節出玉堂東臨元藁西敦煌勛業遠震月支王夙通
攷工明凡將斯冰汗流走且僮壓倒漢瓦兼秦當玉
人典瑞篇未亡得茲嘉瑞美益彰惟公精誠格穹蒼
直以大力迴全黃支祁與頡天吳頡元圭旣錫蔥珩
瑋玉不世出人非常 聖朝鱗介皆冠裳久銷大戟
除長槍兵化爲禮刑稱祥此璋足辟斧與斨明堂清
廟宜深藏資糧萬物攀瑤光

游梁詩賸

十七

窻齋尙書新得玉瑄出觀賦詩一首

惟皇建極乘雷車發號施令何滂葩鐸兼木金代天
口管用竹玉開地牙萬事根本在律呂百玉軌度沿
羲媧含少裁筒律協鳳都良製管聲除鼉榮將已徂
士達渺咸黑不作伶倫遐零陵虞祠閱霜燹汲郡魏
冢埋塵沙丞相張蒼老不學國師鐳秀浮而夸班鄭
諸儒但勦襲管呂二義徒紛拏皆由見書未見器是
以議禮如議瓜尙書勛名極震鑠餘事經義窮梳爬
物聚所好理可信尺錫之瑞言非誇曾頌禹圭諡延

喜復獲舜瑄名昭華瑄長周尺十二寸案翻漢代諸
專家定名黃鐘有依據其制白玉無疵瑕古羊頭山
覓黑黍今河內縣求蒼葭三十四律吹悉應千二百
粒容無差來從扶風足珍異得之至日尤休嘉寶光
奪日出泥滓古色觸手生雲霞幸東昏侯未鑽此殆
西王母相貽邪回天已知暝氣動攷古亦掃陰霾遮
合移太常定雅樂毋令後世譏皇琴律度量衡靡贏
縮和鈞關石誰減加吾 皇抱一式區宇俾公吹萬
盈顛涯上爲清廟歌噫嘻下使薄海忘吁嗟

游梁詩贖

六

陳留旅夜卽事感懷邀陸丈襄鉞同作一首

驪歌悽斷不堪聞倚枕無眠到夜分紅燭青蟲閒聽
雨素衣蒼狗飽看雲林間露重花猶溼陌上春寒草
未熏獨有西州門外感思歸豈爲北山文

良嶽遺石歌一首

臣名海嶽君良嶽東南奇石窮搜索道君皇帝真雅
人欲向龍樓起邱壑汴州平遠無奇峰奇峰卻在上
苑中洞天一品那足道慶雲萬態尤玲瓏江山轉眼
成南渡不共金仙辭漢去天上親題剩鳳鸞草間偷

活借狐兔石兄夜哭秋雲邊棄置泥塗經幾年盡日
無人立飢雀有時礪角來烏犍前年鄭州塞河決牛
車壓石石欲裂園林得入亦偶然冠蓋相看詫奇絕
此才只合終巖阿不然空費民膏多來從汴水壞千
鷁去向燕山傾萬駝漫將今昔分榮辱笑汝當時已
無福不刊元祐黨人碑空人東京夢華錄尤物區區
總不祥滄桑幾度閱興亡不須更向豪家去留與行
人話夕陽

送余誠格壽平入都時將訪匡君卽以志別二首

游梁詩贈

九

一賦凌雲壓洞簫上林雕輦正連鑣金人捧劍逢春
禊玉女投壺戒早朝東觀汗青乾靈活西山眉黛蹙
驢驕酒徒若話高陽侶可念元亭獨寂寥

日費官錢久厚顏遊梁倦羽忽思還春愁天上桃花
水秋夢淮南桂樹山蒼狗白雲看杜曲青牛紫氣愧
函關玉堂他日懷人處應在香爐暮靄間

次韻江俶戲成一首

謬臺百尺呼周赧我亦如卿臥最高三十功名塵與
土五千道德粕兼糟貧嫌赤帝生居沛富慕朱公死

葬陶檢得神方教辟穀無過飲水讀莊騷
題曹按察吉三丈詩集並懷舊志別四首

廊廟江湖思若何才名早歲動巒坡
塞鴻雁金堤瓠子河九陌故人如葉少
十年歸夢比山多
主恩民望都難恕未易初心遂薜蘿

咳唾隨風落玉盤底須昌谷嘔心肝
七言婉麗唐長慶五字沈雄漢建安
鶴爲雪深迷路久螢因露重上衣難
鶴歸忽迷路黃雪隔重林露重隱囊紗帽清吟
上衣難集中央蟬梅及螢句也
處不信人間有熱官

游梁詩卷

三

忘年稽呂昔論交展卷魂因舊雨銷揮塵
夜談宣武巷買魚秋醉大通橋黃墟淚盡
何堪灑白社踪疏不可招更憶珠江垂老
客歌離弔夢總無聊
集中張延秋葉蘭雪
兩年文許貢宸戶部皆與余爲忘年交張寓宣武門
外香爐營屢相過從許嘗以秋禩招遊二關今張沒
兩年許官江西久不通問葉歸東粵又賦悼亡存歿離合均足感也

梁園剪燭頗嫌遲每話心期似舊知
三月送春兼送別半生真境在真詩
一家兄弟相師友百代風騷要
主持此去匡廬參玉局連牀應動潁濱思
按察之兄
胡川年丈

方守九江余將
訪東林故及之

次韻汪正己一首

若憶江南鷺正飛
大梁無地惜芳菲
閑身最戀烏皮几
病骨惟思白袷衣
百廿日春天破格
三千里路客將歸
灌園抱甕如君少
我欲相從學息機

次韻畬陸丈襄鉞一首

賢猶思退況非賢
刻畫無鹽欲赧然
龍螭屈伸宜識道
雞蟲得失莫誣天
僧踪密在重逢日
書味濃於補讀年
萬事平生甘退縮
入山聊可占人先

又贈一首

游梁詩贖

三

中原萬口共稱賢
豈意風雲尚渺然
能王虬髯唐有海
不侯猿臂漢無天
大河氣脈三千里
老守聲名二十年
剩有子文青骨在
終須成佛謝公先

人言文有青骨余視

之果然六朝時將子文成神亦有青骨也

題含苞牡丹六首

帶露含風第一枝
旋烘世界作胭脂
未開也似梅花冷
萬蝶千蜂總不知

瑤階金屋列羣芳
無汝誰稱絕代香
寄語東皇須著意
大千春色在花王

五德循環運若何上林異種大秦多中原命脈姚黃
管莫惜千錢買一窠

汴中宮殿久荒埃洛下園林亦劫灰八寶莊嚴誰稱
得人間無此好樓臺

玉環飛燕太恩慝休問唐宮與漢宮容易得天難得
地不如開落萬山中

墮溷飄茵總爲春玉顏晚嫁漫傷神千金一刻須珍
重絕色奇香不字身

將歸廬山歌次韻曹按察文送別一首

游梁詩賡

三

吁嗟乎人生不能遊徧五嶽非奇福安用牛腰載詩
添舊束人生不能讀破萬卷非奇才安用鳳尾畫諾
標新裁况余文章勛業百無有廿載桃人兼土偶已
愁漂泊損朱顏復恐蹉跎成白首不如誅茅匡廬五
老之峰頂采藥石梁三疊之泉邊閉戶著書樂復樂
遺世獨立仙乎仙時人可望不可卽惟見香爐騰紫
烟人海稻梁富不爲鴟雛羨天閑芻豆多不爲麋鹿
戀笑余遊徧五嶽讀破萬卷雖未能且將蠅頭利蝸
角名鼠肝蟲臂之勞生一一先驅遣君不見大月出

海水山人歸何遲
桃花落盡君應知
金丹何時成學
道苦不早且呼癡
龍種瑤草種瑤草
心如百年會
少離苦多他日
相思倘相訪
啼猿萬壑迷青蘿

游梁詩贖贖

易碩中碩

絕句五十五首 戊子夏日

塵土空中格鬥譁病黃天色似癡瘦書堂掩戶占風

角吹滿恒河一尺沙 四月初十日怪風晦冥室中積塵數寸

嫩涼如水潑苔痕小院閒庭色斬新多謝昨宵風雨

惡替人來洗庾郎塵 十一日雨後庭階餘潤淨無點塵波中不易得也

露初星晚薄寒侵有月無人夜氣深不待膺頭風竹

掃流螢一點是秋心 十二日與吳興君夜坐所見如此

游梁詩贖贖

命如和仲多磨蝎相似賓王少伏犀料理山中一間

屋他生應免墮泥犁 十三日河南府幕友吳蓉軒相余四十後能得印綬四十五歲

凶今所行運主爲人所忌刻排擠余正有入山之志聞吳言益當決也

可中亭下種花農斟酌橋邊賣菜傭如此斜陽宜著

我伍員蕭與伯鸞春 十四日與吳興君談虎邱根觸書此

十索詩工爲贈歡憐才我亦淚無端雙修福慧如卿

少修到檀郎恐更難 十六日飲劉毅吉齋中歐獨生觀察誦某夫人贈外詩云朝霞

魚尾射妝樓出帳春蛾淡欲羞同是雙鸞新月影一經郎畫便無愁遍體摩挲欲卻難一宵勝似一宵歡

笑鬢解識嬌癡性嫁得檀郎當母看畫梁省識燕將離一徑萱花小雨灑阿母書來羞竟讀隔年頻問有

身無花裏簾櫺月下樓十年長擁合歡稠枕邊細數
團欒夜除卻離家總並頭又談往無端有淚珠千古
傷心誰第一看即閒寫
美人圖惜忘其姓氏矣

桐鄉朱邑思循吏瓜種青門慨故侯更有羊曇忘不
得它年腹痛過西州十七日得外舅祖韞齋先生訃撫念宿昔悲感無已

海內知名馮夢華才人垂老作探花傾城已嫁休嫌
晚猶勝潯陽抱琵琶去 琵琶十八日馮夢華同年來書

翰飛口授兩均慙嫻過嵇康七不堪誰道一雙無用
手漸工畫牘與書函十九日作都下書有感而作余素懶作書到返四月手書已百餘函矣憑几口授素無其功翰動若飛彌有多媿京洛遊故咸成雲雨梁張纘與陸襄書也

游梁詩勝贖

二

銅陽村外暮雲合鴻卻陂前春草齊漢代先賢零落
盡長鳴空剩汝南雞二十日飲客與汝甯守李酌卿語汝南故事

科頭跛腳一胡床門外車塵有底忙清簟疎簾都似
水引人秋夢到瀟湘二十一日室初有簾榻初有簟

徐熙知我念家山畫出紅樓一兩間身是南唐李鍾
隱怕聞簾外雨潺潺二十二日檢篋得徐花農太史所贈小廬聽雨圖悵然題此

欸段空翼馬少游大梁風土似壺頭無宵不作鷗邊
夢家在江南一葉舟二十三日去臘出都卽賦成下兩句今得未由書鄉思益難遏

因補成之

風流京兆善鋤姦阿弟聰明亦大難今日梁都更凋

敝何人柱後惠文冠二十四日讀張敞傳敞弟武爲梁相敞使吏問之武言梁國大

都吏民凋敝且當以柱後惠文冠彈治之耳

茅山高臥事何如惟覺頭顱不似初苦戀梁家奉朝

請可能四十作尙書二十五日有感作陶弘景與從兄書仕宦期四十左右作尙書

郎今三十六方作奉朝請頭顱可知不如早去

久別名山病漸侵眼中雉堞怯登臨天公故靳吾腰

腳欲澹英雄出世心二十六日子三弟來邀遊城北鐵塔塔閉不可上遂登大梁城

余鬻脚素健向遊岱宗裁眉匡廬皆步行登絕頂今尸居既久筋骨皆不如前亦猶劉豫州之感髀肉矣

游梁詩贖贖

三

迢迢雙鯉忽飛來吳樹嵩雲倦眼開重訂昔年昆弟

約與君攜手上琴臺二十七日文未問自吳門郵書訂爲昆弟余兄事子產而文弟

畜季心也去年在吳門早有此意今未問乃先施之

老湛生涯寄庾樓勝宅王粲客荊州舊遊如夢還應

記懸甕山前碧玉流二十八日寄書江夏鄭湛侯憶甲申秋與鄭遊晉祠甚樂也鄭

以高才曾爲皖吏今客楚督幕中

翼奉災祥可見聽直言空自負通經白頭占驗終何

補陰賊貪狼滿漢廷二十九日讀翼奉傳

一讀紅箋轉欲愁殊鄉佳節此淹留浮沈三十年人

海我亦身如競渡舟

三十日彰德守陸吾山年丈賀端節書來有儷語云二十年彈

指浮沈如競渡之舟重五節關心福祿進延齡之酒語特可喜

病渴多時損玉顏茂陵容易棄人間相如欲覓金莖

露祇在芙蓉並遠山

五月朔日感文君事作

閨門往事最傷神夢影如煙記未真惆悵山塘好流

水送春更送送春人

初二日偶憶去年在吳門賦冶春詞事

意氣酬恩視所遭夷門弔古客心勞曾經埋過英雄

地馬渤牛洩分外高

初三日過夷門書感

官堤一帶樹千章濃綠垂陰日正長忽聽新蟬增感

游梁詩賸贖

四

觸故山深柳讀書堂

初四日赴鄭工堤上聞新蟬聲作

胸中浩落一乾坤晉代高賢慕阮籍孫登天際真人

原未死南看廣武北蘇門

初五日上看山百泉在輝縣廣武在滎陽相距皆

不過百餘里目入都以後半年不見山矣

明漪數畝鏡光涵重到楊橋一解驂蘆葦依依波瑟

瑟小船搖出似江南

初六日還憇楊橋

中天刑律不徧頗鯨伏歐刀理則那土化黃金金化

士五行從古汨陳多

初七日過東漳見望江公談河事有感

車雞馬狗看黃流何似江南畫舫遊記得昔年今日

事滿天梅雨到蘇州

初八日同汲憶前年此月初抵吳門細雨飄衣金閨如畫賦詩

有白苧歌中雙髻坐黃梅雨裏片帆來之句

雪月梅花泛宅船一家僕婢總參禪南屏山下清涼

國飽聽鐘聲過了年

初九日接家書得讀大人遊西湖詩詞

人間天上一微波無路通詞奈遠何瞥見魚雲發奇

想比他三十六鱗多

初十日夜坐

人間不過隔關山天上樓臺遠莫攀今夜舉頭惟見

月才知最遠是人間

十一日夜坐

文章勲業總輕塵惟有團樂樂最真何處夜涼聞笑

游梁詩賸賸

五

詔豆花棚底一家人

十二日夜坐

曾坐匡廬聽夜鐘玉淵潭水似飛龍今宵欲夢棲賢

寺月到橋邊第幾松

十四日夜坐憶廬山舊遊棲賢寺在萬山中玉淵潭在棲賢寺

外潭水深碧無底相傳以爲龍湫大石橫臥皆宋人題刻水從石罅一落千丈如怒雷暴雨之聲夾潭老

松蔽虧余嘗坐石上窺月寺僧不來山鬼相語人間無此境也

甫里華亭好卜居陸家故事晉唐餘綠頭黃耳風流

甚鴨解呼名犬寄書

十五日偶憶松江道中

酒色須爭第一流修羅國王富平侯中山酒氣陽臺

雨曾見神人澤九州

十六日閱近時小說名蟬史者所指似乾隆間軍事意采奇麗

其紀瑣骨菩薩及酒
星語尤令人醉心也

天末涼風萬里情故園臨水屋三楹聽秋若到湘真

館已有新荷試雨聲十七日驟雨招涼適出迎巡撫
昨未由家書言方修湘真館於

兩池之間四面皆水新荷已如蓋
矣何日與君聯榻同聽秋聲耶

佛涅仙蟬語半誣儒家輕重究何如世間死法思量

遍上策無過近媚猪十八日病中伏枕戲作荒唐之
言不可為訓以遺無聊而已

百家雜出不勝繁欲借秦臺一火燔今日文多宜用

質只須半部五千言十九日見浙江學臣
奏進陸氏藏書口號

海內名園第幾家送春如電一山茶昔年攜豔曾惆

游梁詩贖贖

悵不見江南掌故花二十一日吳抱仙直刺招飲觀
其所藏周婚鼎及羅雨峰爲阮

文達畫墨梅窗心有文達自題詞抱仙乃文達外孫

其祖卽崧圃相國也吳門拙政園嘗爲相國別業故

至今尚稱吳園抱仙言相國補種寶珠山茶不滅梅

村所賦之盛按吳園自兵燹後歸南皮相國又以之

作八旗奉直會館去年余在吳門屢攜昵鴉慶主避

人簷遊落花萬片如鋪紅茵相與勇坐其上臨水照

影惆悵久之而詢昔所盛
傳之山茶則已無有矣

于三應舉去堂堂君到津門我夢湘一樣人間好兄
弟羨君明日得連牀二十二日鼎若昨往天津視其
兄駒若卽試京兆也旣送其行

轉憶吾未由不已兩家兄弟
離合多同今晦苦贏我矣
斜陽高柳網師園易子來多釣石温畫我當時趺坐

象谿邊鷗鳥共無言

二十三日李少梅書來因憶蓮園舊遊網師園卽蓮園少梅先

人眉生按察丈所創也去年屢遊釣於此

月離於畢俾滂沱車騎班班涉波眼底涓流無術

挽宣防莫更論黃河二十四日作泮城如居釜中水無出路一雨則街巷積潦矣

鬚也風流在酒間活人先活兩眉彎江南公事全勾

當畫了虞山畫惠山二十五日聞吳子備補無錫令令作此寄之吳方署常熟也

望裏斜河一抹遙玉繩搓恨恰成條年年似帶都移

孔天爲何人瘦沈腰二十六與吳興君看天河偶作

昔年江夏見黃侯回瀕蓮池又幾秋東望閭門雙白

游梁詩賸贖

七

馬西來函谷一青牛二十七日致書黃子壽年丈庚辰歲見丈於保定蓮池書局前

兩歲又見丈於湖北按察署中今方自陝臬擢蘇藩也

才人八月泛仙槎今日應無漢代嗟 聖主親將文

柄畀不同賈誼到長沙二十八日聞電報馮夢華得湖南試差喜極作此前有言

近歲翰林得差多以他途進者不能無疑今見吾夢華得差乃知 聖朝用人一秉大公而嚮所傳聞真

齊東之說也

諳諳出出自公宮爛額焦頭好論功昨日誰登大庭

庫先知魏國有融風二十九日節署敬事堂不戒于火

肯向忠州恨左遷君臣終始幾人全貞元天子非容

易陸九功名正少年六月朔日讀陸宣公集有感

海上天驕屢敗盟何人赤手欲屠鯨漢廷若發雲臺

議五餌還須問賈生初二日有人以禦夷制勝策視余者為題二十八字

不須寒儉不豪華底用胡椒八百車拚作閒官監稅

好年年飽喫六安茶初三日王蓮舫太守自蔣家集餉六安茶二十簞戲作

遊俠西京眾所知平生兄事有髮絲若邪買劍如秋

水願奉猿公作本師初四日得袁重黎書

仙吏來從瀑布中黃華谷口玉丁東誰知絕頂無人

處尚有高歡避暑宮初五日陳麟洲同年自林縣署令歸黃華谷在林縣林慮山中

游梁詩贖贖

八

麟洲為余述
兩水簾之勝

蔥河宿海幾時探雲外西王碧玉簪料得崑崙風正

起吹來花片下江南初七日
即事

子野平生喚奈何中年已近但哀多薄陽易送秋江

客海外難逢春夢婆初八日毅吉家設
女樂酒邊口號

枯禪退步早商量空色人天一道場畢竟溫柔多恨

海英雄須住白雲鄉初九日看一小說有感於鬼神
死生之事益有出世學道之心

碧海青天萬里心玉漿祠畔感西禽宓妃去後芝田

遠獨向魚山聽梵音初十日連夢華鬢道人積青館
主雲窗霧閣殆海山兜率天矣

題張夢晉畫折枝長卷寄宗室伯羲祭酒絕句八首
伯羲祭酒得明張夢晉歲寒三友圖卷適吳仲飴
太守自都旋汴伯羲遂以此卷託仲飴寄余蓋京
師故人多知余爲夢晉後身也光緒癸未之歲余
嘗遇李仙于并門李仙作詩贈余初書云吹笙王
子乞食張卽時在旁者俱不知張卽爲誰惟余嘗
見黃九煙所作張靈崔瑩合傳髣髴記有乞食事
因爲諸人言之李仙繼書云葆其虛靈戒其顛狂
優曇首出後事方長勿求仙籙且盡人綱書畢又

游梁詩贖賸

九

書云前王後王堂堂乎張笙聲縹緲簫韻淒涼月
明虎阜花暝吳閶前塵隱約云胡可忘至此始決
其所言爲夢晉問後王爲誰曰詩中曇首句已明
示矣問崔瑩事則不啻但稱家君爲六如後身與
三十年前呂仙語合它語甚多不備記前後身之
說於古有之雖涉荒渺非盡妄也惟夢晉天才雋
逸下筆成文詩畫流傳俱臻能品其風情才調洵
足傾倒一時自顧荒倉何堪竊比則亦昔人所云
姑妄言之姑妄聽之而已然有可怪者三有相似

者五夢晉名不甚著知者寥寥以此爲言似非作
僞可怪一也夢晉之母夢周靈王太子晉而生夢
晉故字夢晉名靈又夢晉與優人作子晉跨鶴劇
其事俱載九煙傳中此云吹笙王子亦儼以緱嶺
昇仙太子爲夢晉前身語既相符似非鑿空可恠
二也且六如之說三十季前呂仙言之三十年後
李仙言之夢晉與六如以師友而爲父子情事宛
然可恠三也余自少時未至吳越卽結想吳中山
水若有宿緣其相似一也少作文字喜用乞食語

意中時以不能學古人乞食爲憾屢爲父師所訶
終不肯改其相似二也自稍有知識卽時涉冥想
妄意它日落魄乞食或能遇一紅顏素心人以爲
知己未讀夢晉傳時已如此其相似三也少作又
喜用春人語華陽王君雪澄嘗戲呼余爲易春人
其相似四也余幼時了了頗竊鄉里之譽義寧陳
丈右銘謂此子似徐文長家君甚不悅其言然陳
丈固頗精人倫鑑者文長夢晉本一流人長老談
言不無微中其相似五也余既不知六法所見畫

亦絕少夢晉所畫迄未一見至其詩爲世傳誦者
僅高樓明月清歌夜知是人生第幾回一篇然能
誦此詩者多而知爲夢晉之作者少明詩綜采夢
晉詩裁一二首惟載其臨終絕筆云垂死尚思元
墓麓滿山寒雪一林松讀其詩爲之泣然欲涕後
取九煙傳再閱之乃知夢晉實爲崔瑩死瑩亦竟
爲夢晉死六如合葬之於元墓九煙生國初距彼
時未遠必非妄言惜遇李仙時記憶不詳未深問
也乙酉入蜀觀劇優人演所謂才人福者生旦二

游梁詩賸賸

十一

脚登場則夢晉與瑩儼然夫婦此吳中當有之劇
不知蜀中何時有之何人爲之且所演情節又多
增會與本事不合丙戌至吳求觀此劇反無有每
經行鄧尉元墓與山塘七里間忽忽如有所失與
元墓山靈約他日必埋骨於此適七歲兒阿仁病
殤遂葬之聖恩寺旁以盟息壤焉丁亥入都晤番
禺張延秋年丈問余曰小說有名何必西廂者子
見之乎即子前生事也亟走厰肆詣翰文齋託書
賈韓姓覓此書果得之蓋明末國初人所作以前

之崔張不如後之崔張之發情止義故名何必西廂所載瑩別夢晉詩與九煙所載相同其詩云才子風流第一人願隨行乞樂清貧入宮祇恐無紅葉臨別題詩當會真和之云地老天荒兩恨人淚珠枯盡海鮫貧馬嵬異代甘同葬不學三郎負太真夫瑩與夢晉不過文字知己一見之緣而至以身許之九死不悔雖以宸濠之凶饒不能加於一弱女子卒完白璧歸死吳下其慧心奇節可以驚風雨而泣鬼神矣濮青士太守言曩在崇樸山尚

游梁詩賡贖

十一

書齋中見六如所作崔瑩小像粗服亂頭啼妝黯淡侍女十數輩左右環立皆宮人妝蓋初入宣藩邸中時事非婁妃保護必殞身藩邸不能與夢晉終古同穴矣今此畫像尚在尚書家惜無由得之夢晉此圖作于正德庚午在未遇瑩以前伯羲自千里外舉以相贈意殊可感故詳載其事自題八絕乞憐才闡幽之君子爲之題咏亦以報故人之殷殷云己丑歲暮

月下仙人萼綠華襟紅竹翠影交加凌寒寫出真標

格不是徐熙沒骨花

紙尾親題正德年虎邱別墅印文鮮山塘萬古春愁

海誰遺名花一泊船

瑩泊舟山塘始爲夢晉所見攷其時事約略在此一二年間也

雙墳元墓記曾尋如雪梅花一尺深絕代佳人爲死

友天荒地老歲寒心

吳下狂生跌宕才早年情死亦堪哀此圖即是三生

石使我茫茫萬感來

黃菊熨斗記曾看過眼煙雲付達觀夢到昔年呼酒

處一天風色太湖寒

吳中某宦家藏六如黃菊渚熨斗柄小景後有夢晉題跋以居

游梁詩牘牘

三

奇索重值竟不能購費君西蠡嘗假撫一幅相贈亦未攜之行篋中

梁園歲暮正無聊魂斷江南不可招慙愧故人千里

意沐雲燕雪寄迢迢

飄零墨淚劫灰餘知已生平幾六如曠代何人能鑒

賞憐才更有畢尚書

卷首有畢沅小印始曾入霧巖山館耶

時飄文雅未須稱數有封章在中興 聖主即今前

席待豈容苟相老蘭陵

